

# MINISTERYO TAYO ED PANARIAN

## OKTUBRE 2013

### SIMBA NA OKTUBRE 14

Kanta 32 tan Pikakasi

#### ❑ Panagaral na Kongregasyon ed Biblia:

jr kap. 15 ¶7-12 (30 min.)

#### ❑ Teokratikon Eskuelaan Parad Ministeryo:

**Babasaen ed Biblia:** Filipos 1—Colosas 4 (10 min.)

**No. 1:** Filipos 3:17—4:9 (4 min. o mas antikey)

**No. 2:** Duga Kasin Taynan so Relihyon na Atateng?—rs-E p. 324 ¶1-3 (5 min.)

**No. 3:** Panon a Makatulong so Pikakasi Pian Nalabanan Tayo ray Tuksa?—Luc. 11:9-13; Sant. 1:5 (5 min.)

#### ❑ Pantitipon Parad Panagserbi:

Kanta 68

**15 min:** Say Internasyonal a Pankakasakey

Tayo et Mamapagalang ed si Jehova. Paliwawa base ed libron *Organisado*, pahina 165, parapo 2, angkad subheading ed pahina 168. Paisalaysay ed dumerengel iray abasa dan eksperiensiya no panon ya say pankakasakey tan panangaro na saray Tasi nen Jehova et nanresultad maabig ya pantasi. Idanet no panon ya saray kombension ya ongapod sayan bulan et mamaelet ed internasyonal a pankakasakey tayo.

**15 min:** “Napapabiskeg na Panagpulong so Espiritualidad Tayo.” Tepet tan ebat. Basaen iray teksto no iyabuloy na oras.

Kanta 53 tan Pikakasi

### Napapabiskeg na Panagpulong so Espiritualidad Tayo

<sup>1</sup> No aktibo itayon mibibiang ed panagpulong, ombiskeg so espiritualidad tayo tan lalo tayon magmaliw a maliket. Siempre, say manunan rason na pampupulong tayo et pian napaliket si Jehova. Balet legan tayon uunoren so ganggan ya ‘ipulong so salita,’ naa—

1. Anto ray nagunggona tayo ed panagpulong?

wat tayo so panamendisyon nen Jehova tan nagunggonaan itayo ed arum nin paraan. (2 Tim. 4:2; Isa. 48:17, 18) Panon itayon napabiskeg tan napaliket na panagpulong?

#### <sup>2</sup> Napapabiskeg tan Nabebendisyonan

**Itayo:** No manpupulong itayo, akapokus so imano tayo ed saray bendisyon na Panarian imbes a diad saray problema tayo. (2 Cor. 4:18) Legan tayon ipapaliwawa ed arum iray bangat na Biblia, lalon ombibiskeg so pananisia tayod saray sikan nen Jehova tan mas naaapresya tayoy katuaan. (Isa. 65:13, 14) Tan diad itutulong tayod arum ya onaligwas ed espiritual pian ag-ira magmaliw a “kabiangan na mundo,” ombibiskeg met so mismon determinasyon tayon mansiansian biig ed mundo.—Juan 17:14, 16; Roma 12:2.

<sup>3</sup> Natulongan itayo na pibibiang ed ministeryo pian niwalad sikatayo iray Kristianon kualidad. Alimbawa, diad pansasagpot tayon ‘magmaliw ya amin a bengatla diad amin a klase na totoo,’ magmamaliw itayon mas maapabebe. (1 Cor. 9:19-23) Legan tayon mitotongtong ed saray totoon singa “kinatatan tan pinaulyanan a karnero ya andian na managpastol,” naaralan tayon ipanengneng so simpatya tan pililikna. (Mat. 9:36) Naaralan tayo met so man-anos no mantultuloy itayo anggano ag-interesado odino susumpaen itayo na totoo. Mas maliket itayo no usaren tayoy bilay tayo diad itulong ed arum.—Gawa 20:35.

<sup>4</sup> Agaylan bendisyon so mibiang ed kimey a mangiglogloria ed Alenleneg a makanegan na panagdayew tayo! Napapabiskeg itayo na ministeryo. Mangiter itan na dakel a bendisyon ed saramay sigpot a mibibiang ed ‘panangipulong na maong a balita.’—Gawa 20:24.

2. Panon itayon napapabiskeg na ministeryo tayo?
3. Panon ya ontulong so ministeryo pian niwalad sikatayo iray Kristianon kualidad?
4. Antoy pangipapasen mo ed ministeryom?

## SIMBA NA OKTUBRE 21

Kanta 33 tan Pikaksi

### ❑ Panagaral na Kongregasyon ed Biblia:

jr kap. 15 ¶13-20 (30 min.)

### ❑ Teokratikon Eskuelaan Parad Ministryo:

**Babasaen ed Biblia:** 1 Tesalonica 1-2 Tesalonica 3 (10 min.)

**No. 1:** 1 Tesalonica 2:9-20 (4 min. o mas antikey)

**No. 2:** Antoy Naaralan Tayod Saray Maong tan Mauges ya Ginawa nen Solomon?—Roma 15:4 (5 min.)

**No. 3:** Antoy Ibabangat na Biblia Nipaakar ed Interfaith?—rs-E p. 325 ¶1-p. 326 ¶1 (5 min.)

### ❑ Pantitipon Parad Panagserbi:

Kanta 125

**15 min:** **Antoy Naaralan Tayo?** Paliwawa a mankomentoy dumerengel. Ipabasa so Marcos 1:40-42, Marcos 7:32-35, tan Lucas 8:43-48. Pantongtongan iray leksion ya naaralan ed sayan salaysay a makatulong ed ministryo tayo.

**15 min:** **"Usaren so Web Site Tayo Diad Pambangat ed Saray Anak Yo."** Tepet tan ebati. Sano pantotongtongan lay parapo 3, ipanengneng no iner naromog so "Parents' Guide" tan basaen so sakey ya alimbawa na instruksion ya wadtan. Sano pantotongtongan lay parapo 4, pankomen-toen iray dumerengel no panon ya uusaren na pamilya ra so official Web site tayo parad pangdayew na pamilya ra.

Kanta 88 tan Pikaksi

## Usaren so Web Site Tayo Diad Pambangat ed Saray Anak Yo

<sup>1</sup> Say Web site tayon jw.org et denisinyo diad paraan ya nagustoan na amin, anggan antoy edad da. Say seksion ed Web site tayo ya "Children" (onlad Bible Teachings > Children) et ontulong ed saray ugaw nin ananak tan ed atateng pian onapit irad sakey tan sakey tan ed si Jehova. (Deu. 6:6, 7) Panon yon nausar iyan seksion diad pambangat yod saray anak yo?

<sup>2</sup> **Ibagay ed Pankaukolay Anak Yo:** Nanduru-

1. Antoy gagala na seksion ed Web site tayo ya "Children"?
2. Panon kayon makapili na ibangat yod ananak yo ya ombagay ed edad da?

ma so pankaukolan na kada anak. (1 Cor. 13:11) Panon kayo sirin a makapili na ibangat yod ananak yo ya ombagay ed edad da? Tepetay sarili: 'Anto kasi nagustoan na ananak ko? Antoy natalousan da? Panon kabayag so atension da?' No say ananak yo et mantaon na talora paabeba, saraq yon ibangat ed sikara iray istoryan walad "My Bible Lessons." Uusaren met na arum ya pamillya iray istoryad Biblia diad seksion ya "Teach Your Children." Tan nia ni ray arum ya napampilian yo.

<sup>3</sup> **Family Worship Projects:** Ontulong irayan project ed saray atateng diad pambangat ed ananak da. Pian naamtaan yo no panon yon nausar iray istorya tan activity, i-click so download button tan basaen so "Parents' Guide" na kada project. Usaren iray picture activity, singa say coloring page diad pambangat ed melag nin anak yo. No medyo baleg lay anak yo, usaren iray study activity ya wadtan. Amin ya activity ed kada project et saksakey so angalaan ya istoryad Biblia. Kanian makapaniiba ed parehon family worship project so amin ya anak yo, antokaman so edad da.

<sup>4</sup> **Become Jehovah's Friend:** Saray video, kansion, tan activity ed sayan seksion na Web site tayo et makatulong ed saray atateng pian nipuruk dad melag nin ananak da so Salita na Dios. (Deu. 31:12) Kada antikey ya animated video et pakaaralan na importtantin leksion. Saray activity ya singa say search-and-find game so mangidinet ed saratan a leksion. Lapud labalabay na saray ugugaw so mangansion—tan mainomay dan ntandaan iray nanaaralan da no kansionen da—lannang ya nanengneng ed Web site tayo iray Kingdom song tan arum nin kansion ya ginawa parad saray ugugaw.

<sup>5</sup> Atateng, labay nen Jehovah ya magmaliw kyon maong ya ama tan ina. Kanian kerew yoy tulong to diad pangibabangat yoy katuaan ed saray anak yo. (Uko. 13:8) Diad tulong nen Jehovah, nipasal yo ray anak yon "magmaliw a marunong parad kilalaban diad panamegley na pananisia nipaakar ed si Kristo Jesus."—2 Tim. 3:15; Uli. 4:1-4.

3. Panon ya nausar a maong na atateng iray istorya tan activity ya walad "Family Worship Projects"?
4. Antoy nanengneng ed seksion ya "Become Jehovah's Friend"?
5. Akin ya nepeg a kerewen na atateng so tulong nen Jehovah diad pangibabangat day katuaan ed ananak da?

## SIMBA NA OKTUBRE 28

Kanta 31 tan Pikakasi

### ❑ Panagarial na Kongregasyon ed Biblia:

jil. 3 tan Leksion 1-2 (30 min.)

### ❑ Teokratikon Eskuelaan Parad Ministeryo:

**Babasaen ed Biblia:** 1 Timoteo 1–2 Timoteo 4 (10 min.)

**Repaso ed Teokratikon Eskuelaan Parad Ministeryo** (20 min.)

### ❑ Pantitipon Parad Panagsersbi:

Kanta 61

**5 min:** "Antoy Gawaen Mo No Holiday?" Paliwawa.

**10 min:** Idanet so Praktikal a Kablian na Mangong a Balita. Paliwawa ya mankomentoy dumerengel base ed libron *Eskuelaan Parad Ministeryo*, pahina 158, parapo 4 angkad pahina 159. Ipadeosta no panon ya ipresenta so libron *Ibabangat na Biblia* panamegley na teman pa-interesan na totood territorya yo.

**15 min:** No Akin ya Importante so Isabin Masakbay. Paliwawa ya mankomentoy dumerengel. (1) Akin et nibaga tayon agnaatrasadoy Jehova? (Hab. 2:3) (2) Akin ya say isabin masakbay ed aral tan ed panagpulong et panangipaneng-neng na respeto ed si Jehova tan konsiderasyon ed arum? (3) Antoy epektu ed grupo tan ed mangidauloy panagpulong no atrasado tayod pantitipon parad lawak na kimeyan? (4) No imba-ga tayod interesado odino iyaaralan ya pawilen tayo, akin ya importamtin onsabi tayod oras ya apantongtongan? (Mat. 5:37) (5) Anto ray praktikal ya nagawaan pian masakbay itayod panagpulong tan ed aral?

Kanta 69 tan Pikakasi

## Repaso ed Teokratikon Eskuelaan Parad Ministeryo

Say onggandan iran tepet et pantongtongan diad Teokratikon Eskuelaan Parad Ministeryo legan na simba ya onggapo ed Oktubre 28, 2013.

1. Antoy labay ya ibaga na pakawalaay "kanonatan nen Kristo"? (1 Cor. 2:16) [Set. 2, w08 7/15 p. 27 par. 7]
2. Diad anto ran paraan ya 'nibatikan tayo so pilalawan?' (1 Cor. 6:18) [Set. 2, w08 7/15 p. 27 par. 9; w04 2/15 p. 12 par. 9]

3. Antoy labay ya ibaga nen Pablo nen insulat ton saray bibii et "agmansalita diad saray kongregasyon"? (1 Cor. 14:34) [Set. 9, w12-E 9/1 p. 9, kahon]
4. Antoy nepeg ya epektu na insulat nen Pablo diad 2 Corinto 1:24 ed saray elder natan? [Set. 16, w13 1/15 p. 27 par. 2-3]
5. Panon itayon nigiya na ibabagay 2 Corinto 9:7? [Set. 23, g-E 5/08 p. 21, kahon]
6. Panon itayon minabang no iyaplika tayooy simbawa nen Pablo ya nabasad Galacia 6:4? [Set. 30, w12 12/15 p. 13 par. 18]
7. Antoy labay ya ibaga na 'pansiansiaen so pankakasakey ed espiritu'? (Efe. 4:3) [Okt. 7, w12 7/15 p. 28 par. 7]
8. Antoy liknaan nen Pablo ed saray bengatlan tinaynan to? (Fil. 3:8) [Okt. 14, w12 3/15 p. 27 par. 12]
9. Akin ya importante so simbawa ya: "Ag-itayo la komon nanaugip a singa gagawaen na arum"? (1 Tes. 5:6) [Okt. 21, w12 3/15 p. 10 par. 4]
10. Akin ya say impatey nen Jesus et "kasimbangan a dondon"? (1 Tim. 2:6) [Okt. 28, w11 6/15 p. 13 par. 11]

## Antoy Gawaen Mo No Holiday?

No holiday, dakel so wala labat ed abung, kanian balibili iyan panaon pian mibiang itayod ministeryo. Papasesegen iray kongregasyon ya manggaway espisyal iran uksoyan parad holiday witnessing. No atrasadon omnibabangon iray totood territorya yo no holiday, maabig no i-adjust so oras na pantitipon parad lawak na kimeyan. Nayarin ipakabat ed kongregasyon diad Pantitipon Parad Panagsersbi so antokaman ya espisyal ya uksoyan parad holiday witnessing tan pasesegen ya mibiang iray agagi. Tua, nayarin say holiday et panaon na pampainawa odino pangasikasod personal iran bengatla. Balet anto kasi no mangigana tayo met na oras parad ministeryo? Seguradon nainawaan kad pibiang mod sagradon panaglingkor.—Mat. 11:29, 30.

## SIMBA NA NOBYEMBRE 4

Kanta 116 tan Pikakasi

### Panagaral na Kongregasyon ed Biblia:

jil Leksyon 3-4 (30 min.)

### Teokratikon Eskuelaan Parad Ministryo:

**Babasaen ed Biblia:** Tito 1–Filemon (10 min.)

**No. 1:** Tito 2:1-15 (4 min. o mas antikey)

**No. 2:** Kasin Kaukolan so Pagsaliw ya Kabangan na Organisadon Relihyon?—rs-E p. 326 ¶2–p. 327 ¶2 (5 min.)

**No. 3:** No Akin ya Agtayo Nepeg ya ‘Imanoen Iray Palson Istorya’—1 Tim. 1:3, 4; 2 Tim. 4:3, 4 (5 min.)

### Pantitipon Parad Panagserbi:

Kanta 95

**10 min: Suhestion ed Pangiyopresi na Saray Magasin ed Nobyembre.** Paliwawa ya mankomento dumerengel. Ipabitar ed loob na 30 anggad 60 segundo no akin ya balibali irayan magasin ed territorya yo. Insan kerewen ed saray dumerengel ya mangisuheri na makaalay interes ya tepep nipaakar ed manunan artikulo na *Say Panag-bantayan*, tan kayari to et say tekston ibasa. Ontan met so gawaen ed *Awake!* Paidemostra no panon ya iyopresi so kada isyu.

**10 min: Lokal iran pankaukolan.**

**10 min: Say Salita na Dios et Mabisbiskeg.** (*Heb. 4:12*) Paliwawa ya mankomento dumereengel base ed 2013 *Yearbook*, pahina 57, parapo 1, anggad pahina 59, parapo 3. Pankomentoen iray dumerengel no anto ray naaralan dad satan.

Kanta 114 tan Pikakasi

## Saray Pakabat

■ Opresin literatura ed **Oktubre:** Saray magasin a *Panag-bantayan* tan *Onling! Nobyembre tan Disyembre:* Anto so Peteg ya Ibabangat na Biblia? odino sakey ed sarayan tract: *What Hope for Dead Loved Ones?, Magano lan Manampot so Amin ya Kairapan!, Kasin Sayan Mundo so Niliktar?,* odino *Panggayagaan so Bilay na Pamilya. Enero tan Pebrero:* *Maong a Balita ya Nanlapud Dios!* odino sakey ed sarayan 32-pahina ya brosur: *Peteg Kasin Manatalima so Dios ed Sikatayo?, What Is the Purpose of Life?*, odino *Nayarian Moy Magmaliw a Kaaro na Dios!*

■ Nayarin i-adjust so eskedyul na aral sakey simba antis na distriton kombension yo pian narepa so iray bilin tan panonot ed iyatendid kombension. Sakey bulan odino duara kayari na kombension yo, nayarin diad lokal iran pankaukolan et repaso-

en iray punto ed kombension ya akatulong ed saray manangipalapag diad ministryo.

■ Singa nibaga lad insert na Setyembre ya *Ministryo Tayo ed Panarian*, ipangasian awiten diad pan-kombensionan iray keran imbitasyon pian nausar ed pan-informal witnessing.

## Pangaligan Iran Presentasyon

### Pangigapoy Panangiyaral na Biblia ed Unonan Sabado na Nobyembre

“Mitotongtong kamin magano ed saray totoo natan. Say kuan na dakel ed saray nakanatongtong mi, sakey ed saray sankairapan ya situasyon et say ipatey na inad-aro. Mairap ‘tan ya talaga anto? [Abuloyan ya onebat.] Balibali balet yay abasak dia ay.” Ipanengneng so beneg na Nobyembre-Disyembre ya *Panag-bantayan*, tan pantongtongan so unonan tepep tan anggan sakey a teksto. Iyopresi iray magasin tan iyeskedyul so ipawil pian pantongtongan so onsublay ya tepep.

SAY PANAG-BANTAYAN®  
MANGIPALAPAG NA PANABIAN NEN JEHOVA

“Ibabaga mid saray totoo ya balibali manbasay Biblia. Wala ray totoon interesadod Biblia; say arum balet, agda labay. Sikayo ey? [Abuloyan ya onebat.] Pinengneng yo pa yay mission ibabaga na Biblia. [Basaen so 1 Tesalonica 2:13.] No talagan nanlapud Dios so Biblia, di nepeg labat itan ya basaen awa? Wadiad sayan magasin no anto ray nabasa ed Biblia tan no akin a nepeg ya interesado tayod satan.”

### Awake!® Nobyembre

“Dakel natan so naaaburido ta abebbeba lay moral na totoo. Parad sika, talaga ta’n abebbeba lay moralidad natan? [Abuloyan ya onebat.] Abayag lan imbagia na Biblia ya onsabi panaon et manguman so ugali tan kagagawa na totoo. [Basaen so 2 Timoteo 3:1-5.] Nabasad sayan magasin no akin ya napanmatalkan tayo ray prinsipyo na Biblia ed moralidad.”

### Maabig Iran Report ed Serbisyo

Kayari impasyan kimey tayod duaran espisyal ya bulan na Marso tan Abril, maliket itayo ta nen Mayo et asabi tayoy balon peak na 187,893 ya manangipalapag! Mas atagey iya na 8,482 no ikompara nen Mayo 2012. Walay 14,298 ya nan-auxiliary payunir nen Mayo. Agaylay pisalsalamat tayod kaaruman ya komikimay ed sayan panaon na panagani! —Mat. 9:37, 38.

